

HOMILIA

SANCTISS. DOMINI NOSTRI

CLEMENTIS XI.

PONT. MAX.

HABITA

IN FESTO SANCTORUM APOSTOLORUM

PETRI, ET PAULI

INTER MISSARUM SOLEMNIA

In Sacrosancta Basilica Vaticana

ANNO DOMINI MDCCIV.



FLORENTIÆ, MDCCIV.

TYPIS REGIÆ CELSITUDINIS

Superiorum Permissu.





Udístis, Venerabiles Fratres, Dilecti Filii, Evangelicæ verba lectionis; placeat nunc mysteria perpendere, documenta scrutari: ut sanctâ hodiernæ celebri-

tatis lætitiâ salutariſ fidelium instructio consequatur. * Ac quoniam vivus est Sermo Dei, & efficax, ac penetrabilior omni gladio ancipiti: nullis jam verborum phaleris, nullis eloquentiæ ornamentis divini Sermonis vires obtundamus. Quid de se dicant homines, humili Christus investigatione perquirat. ^b Quem dicunt homines esse filium hominis? Magni consilii Angelus, ^c Pater futuri seculi, Princeps pacis illorum adscribi consortio non dedignatur, de quibus scriptum novimus: ^d Filii hominum usquequò gravi corde? Vani filii hominum; ^e Mendaces filii hominum: Vulgari nimirum hoc, ac despecto filii hominis nomine, quo æterni Patris filius vocari amat, stulta, & inanis hominum

^a Hebr.
4. v. 12.

^b Matth.
16. v. 13.
^c Isa. cap.
9. v. 6.

^d Psalm.
4. v. 3.
^e Psalm.
61. v. 10.

damnatur ambitio , qui vanis honorum titulis intumescunt . Quem dicunt homines esse filium hominis? Nihil profectò habebat Christus, quod in se emendaret; quæsitit quid de se dicerent homines, ut alios instrueret. Habemus nos multa , quæ in nobis emendemus; quæramus quid de nobis dicant homines, ut ab aliis instruamur; ac humilitatem, quam in scientiâ Christi docere debuimus, in correctionis nostræ tribulatione discamus. Varia tamen, & prorsus fallacia sunt humana sentientium judicia . At illi dixerunt;

^a Alii Joannem Baptistam, alii autem Eliam, alii verò Jeremiam, aut unum ex Prophetis. Ubi scilicet ea, quæ Dei sunt, Mundi rationibus expendimus, necesse est, ut fallamur; nec certa possunt umquam esse judicia, quæ humanæ prudentiæ viribus, non divinæ veritatis argumentis innituntur. Illis proinde, qui homines sunt, ^b humana opinantibus, ad eos, qui supra homines sunt, interrogatio convertitur. ^c Vos autem, quem me esse dicitis? Humanam propè sortem egrediuntur, qui Christi sectantur vestigia; nihil illos sapere decet terrenum, & humile; nihil fluxum,

&

a Matth.
16. v. 14.

b S. Hieron.
li. 3. com.
in Matth.
cap. 16.
c Matth.
ubi supr.
v. 15.

& caducum, ac penitus humanum nihil: adeo
 ut non eos amplius fas sit homines credere,
^a sed Deos, & filios Excelsi omnes. ^b Hos in-
 ter prior fuit in Domini confessione, qui pri-
 mus erat in Apostolicâ dignitate. Discant
 qui aliis præfunt, illorum, qui sibi subsunt,
 tarditatem verbo excitare, exemplo præve-
 nire. ^c Respondens Simon Petrus dixit: Tu
 es Christus filius Dei vivi. Primus respondit
 Petrus, & solus; neque enim ambigi potest,
 num idem alii sentiant, dum Petrus loqui-
 tur: illiusque ardore fidei loquitur, qua pri-
 mus pariter, & solus in mare descenderat, ut
 ad Jesum veniret, non quidem considerans,
^d ubi pedum vestigia poneret, sed tantum vi-
 dens, ubi figeret vestigium charitatis, susten-
 tavit scilicet fides, quem unda mergebat: &
 quem fluctuum procella turbabat, Salvatoris
 dilectio confirmavit. Poterant eorum varia
 esse responsa, qui humana sapiebant: non po-
 terant non eadem illi respondere, ^e quorum
 erat una fides, cor unum, & anima una. ^f Hinc
 omnis lingua, quæ confitetur Dominum, ma-
 gisterio hujus vocis imbuitur: Tu es Christus
 filius Dei vivi. Dixerat se Christus filium ho-
 mi-

^a Psal.
 81 v. 6.

^b S. Leo
 serm. 3.
 in die an-
 niverfar.
 sue as-
 ptionis.

^c Matth.
 ubi supr.
 v. 16.

^d S. Am-
 brof. ser.
 47. de fi-
 de Petri
 Apost.

^e Act. c.
 4 v. 32.

^f S. Leo
 ser. 2. in
 die anni-
 vers. as-
 sum. suæ.

a *S. Aug.*
gra. 25.
in Ioann.
m. 11 minis: ^a dixit eum Petrus filium Dei; com-
 mendavit Verbum Dei humilitatem suam. a-
 gnovit homo Domini sui claritatem. ^b Hæc
 b *S. Hilari*
de Trinu.
li. 6. n. 37. revelatio Patris est, hoc Ecclesiæ fundamen-
 tum est, hæc securitas æternitatis. ^c Respon-
 c *Matth.*
ubi supr.
v. 17. dens autem Iesus dixit ei: Beatus es Simon
 Bariona, quia caro, & sanguis non revelavit
 tibi, sed Pater meus, qui in Cœlis est. ^d Cœ-
 d *S. Hilari*
ubi supr.
num. 36. lestis scilicet Pater, cùm dixit: Hic est filius
 meus: Petro revelavit, ut diceret: Tu es fi-
 lius Dei. Carnis, & sanguinis revelatio divi-
 næ revelationi consona esse non potest. ^e Pru-
 e *Roman.*
c. 8 v. 6.
v. 7. dentia enim carnis mors est: sapientia carnis
 inimica est Deo. Beatus hinc meritò dicitur
 f *S. Leo*
d. ferm. 3. Petrus, ^f quem carnalis non fefellit opinio,
 sed inspiratio cœlestis instruxit, ut Christum
 Dei filium palam fateretur, & crederet. Di-
 gna sanè confessio, ^g quæ omnium humana-
 rum opinionum incerta transcendit, & firmi-
 tatem petræ, quæ nullis impulsionebus qua-
 h *Matth.*
ubi supr.
v. 18. teretur, accepit. ^h Et ego dico tibi, quia tu
 es Petrus, & super hanc petram ædificabo Ec-
 clesiam meam. ⁱ Attendamus itaque ad hanc
 i *Ijai.*
c.
§ 1. v. 1. petram, unde excisi fuimus; sectemur fidem;
 charitatem æmulemur; ut illius soliditate fir-
 ma-

mati irruentis inferi portas minimè formide-
 mus. ^a Et portæ inferi non prævalebunt ad-
 versus eam. Ædificavit Vir sapiens domum
 suam supra petram, & ^b descendit pluvia, &
 venerunt flumina, & flaverunt venti, & ir-
 ruerunt in Domum illam, & non cecidit: fun-
 data enim erat supra petram, & portæ inferi
 non prævalebunt. Verum non modo Petrus
 meruit a Christo Domino appellari petra,
^c quippe quæ totius Christiani operis com-
 pagem, molemque sustineret, sed Regni insu-
 per Cælorum ^d janitor constituitur, ac ligan-
 dorum, & solvendorum arbiter, mansura e-
 tiam in Cælis judiciorum suorum definitio-
 ne, præficitur. ^e Et tibi dabo claves Regni
 Cælorum, & quodcumq; ligaveris super ter-
 ram, erit ligatum & in cælis; & quodcumque
 solveris super terram, erit solutum & in cæ-
 lis. ^f Permanet adhuc, Dilectissimi, semper-
 que permanebit, quod in Christo Petrus cre-
 didit: permanet itidem, semperque perma-
 nebit, quod in Petro Christus instituit. ^g Ti-
 meant igitur ligati, timeant soluti. Qui so-
 luti sunt, timeant, ne ligentur: qui ligati
 sunt, orent ut solvantur. Oremus & nos
 si-

^a Matth.
 ubi supr.
 v. 18.

^b Matth.
 c. 7. v. 24.
 & 25.

^c S. Am-
 brof. ubi
 supr.

^d S. Leo
 d. serm. 2

^e Matth.
 d. ca. 16.
 v. 19.

^f S. Leo
 d. serm. 2

^g S. Aug.
 ser. 295.
 alias de
 diversis
 108.

similiter misericordem Dominum prope fa-
 cros Apostolorum cineres suppliciter de-
 precantes, ^a ut illorum intervenientibus me-
 ritis sedium suarum assistricem sapientiam
 tribuat: nobis quidem, ut commissum hu-
 militati nostræ Apostolicum munus salubri-
 ter exequi valeamus; cæteris verò fidelibus
 omnibus, ut piissimam, ac veram matrem
 Ecclesiam, ^b quæ nec peccantibus filiis super-
 bè insultat, nec correctis difficilè ignoscit,
 humiliter agnoscentes, agnoscant pariter,
 metuant, ac revereantur ligandi, atque sol-
 vendi potestatem illam, quæ Petro a Domino
 tradita ^c in indigno herede non deficit.

*a Sapien.
cap. 3. v. 4*

*b S. Au-
gust. lib.
de Agone
Christia-
no cap. 30.*

*c S. Leo
d. ferm. 2.*

